



JUDISIAL SISTEM MONITORING PROGRAMME
PROGRAMA DE MONITORIZASAUN DO SISTEMA JIDISIAL

Komunikadu Imprensa

Períodu : Agostu 2012

Edisaun :14 de Agostu 2012

JSMP kontinua fo treinamentu ba Grupu Juventude Feto

JSMP kontinua organiza treinamentu ba grupu joventude feto sira iha área rural. Atividade treinamentu ne'e realiza durante loron rua tutuir malu, iha loron 08 no 09 Agostu 2012 ne'ebé fasilita direktamente husi staff no Kordenadora Unidade Justisa ba Feto iha Suco Lifau Sub-Distritu Pante Makasar, Distritu Oecusse.

Materia treinamentu ne'ebé apresenta durante loron rua foka ba Lei Kontra Violénsia Doméstika, Kódigu Penál no Kódigu Prosesu Penál husi perspectiva Jéneru. Partisipantes ne'ebé partisipa iha treinamentu ne'e, hamutuk nain 21 feto 19 no mane nain 2.

Treinamentu ne'e importante atu hasa'e koñesimentu grupu juventude feto sira, liu liu sira ne'ebé asume responsabilidade iha suco laran nune'e bele haklean liu tan sira nia koñesimentu no habelar informasaun ba juventude seluk. dehan Luis de Oliveira Sampaio, Diretór Ezekutivu JSMP.

Ami apresia JSMP nia inisiativa ba programa ne'e tanba fasilita ami nia joventude sira nia koñesimentu nune'e bele maneija hamenus violénsia doméstika iha ami nia suco laran, dehan Xefe Suco Lifau.

JSMP hein katak ho atividade treinamentu ne'e, bele kontinua hametin diak liu tan koñesimentu comunidade iha área rural sira, no liu-liu atu fasilita sira kona-ba opsaun oinsa atu trata kazu sira relasiona ho krime violénsia bázeia ba jeneru nian.

Programa treinamentu ne'e realiza tanbá hetan suporta finanseiru husi **The Royal Norwegian Embassy** iha Jakarta-Indonézia.

Atu hetan informasaun kompletu kontaktu:

Luis de Oliveira Sampaio

Diretór Ezekutivu JSMP

Númeru Kontaktu : 3323883/7295795

Email, luis@jsmp.minihub.org